

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije Bosne i Hercegovine", broj: 34/03 i 65/13), i člana 101. Zakona o zdravstvenom osiguranju ("Službene novine Federacije Bosne i Hercegovine", broj: 30/97, 7/02, 70/08, 48/11, 36/18 i 61/22), a u skladu sa članom 13.,14., i 15. Zakona o kantonalnom Zavodu zdravstvenog osiguranja („Službene novine Bosansko-podrinjskog kantona Goražde“, broj: 8/97, 8/99 i 5/16), Kriterija za imenovanje u upravne odbore zdravstvenih ustanova i Zavoda zdravstvenog osiguranja Bosansko-podrinjskog kantona Goražde ("Službene novine Bosansko-podrinjskog kantona Goražde", broj: 2/04), te Zaključkom Vlade Bosansko-podrinjskog kantona Goražde, broj:03-04-1413-2/24 od 27.06.2024. godine, Ministarstvo za socijalnu politiku, zdravstvo, raseljena lica i izbjeglice Bosansko-podrinjskog kantona Goražde, objavljuje:

**JAVNI OGLAS**  
**za izbor i imenovanje predsjednika i članova Upravnog odbora**  
**Zavoda zdravstvenog osiguranja Bosansko-podrinjskog kantona Goražde**

Objavljuje se Javni oglas za izbor i imenovanje predsjednika i članova **Upravnog odbora Zavoda zdravstvenog osiguranja Bosansko-podrinjskog kantona Goražde** i to:

- tri (3) člana - iz reda osiguranika zdravstvenog osiguranja
- dva (2) člana - iz reda poslodavaca
- četiri (4) člana - iz reda zdravstvenih radnika

Opis pozicije člana Upravnog odbora: zajedno sa ostalim članovima i uz konsultacije sa Kantonalnim ministarstvom za socijalnu politiku, zdravstvo, raseljena lica i izbjeglice i osnivačem: utvrđuje program djelatnosti prikupljanja sredstava obaveznog zdravstvenog osiguranja, uređuje politiku korištenja sredstava obaveznog zdravstvenog osiguranja, donosi Statut Zavoda uz saglasnost Skupštine Kantona i druge opšte akte za čije je donošenje ovlašten zakonom, uređuje plan raspodjele finansijskih sredstava, utvrđuje godišnji program rada i usvaja godišnji izvještaj o radu Zavoda i njegove stručne službe, podnosi osnivaču najmanje jedanput godišnje izvještaj o poslovanju Zavoda, te vrši druge poslove u skladu sa Zakonom o zdravstvenom osiguranju i Zakonom o Kantonalnom zavodu zdravstvenog osiguranja Goražde, Statutom Zavoda zdravstvenog osiguranja BPK Goražde, te drugim zakonima i propisima koji uređuju ovu oblast.

Upravni odbor Zavoda imenuje Vlada Bosansko-podrinjskog kantona Goražde, na prijedlog Ministra za socijalnu politiku, zdravstvo, raseljena lica i izbjeglice Bosansko-podrinjskog kantona Goražde, na mandatni period od dvije (2) godine.

Kandidati koji se kandiduju za navedene pozicije dužni su ispunjavati sljedeće **opće uslove**:

1. da su stariji od 18 godina,
2. da su državljanin Bosne i Hercegovine,
3. da nisu otpušteni iz državne službe kao rezultat disciplinske mjere na bilo kom nivou u Bosni i Hercegovini (bilo na nivou države ili entiteta) u period od tri (3) godine prije dana objavljivanja upražnjene pozicije
4. da se na kandidate ne odnosi član IX.1. Ustava Bosne i Hercegovine – da nije pod optužnicom Međunarodnog tribunala za bivšu Jugoslaviju,
5. da nisu osuđivani za krivično djelo,
6. da nisu na funkciji u političkoj stranci, u smislu člana 5. Zakona o ministarskim, vladinim i drugim imenovanjima Federacije Bosne i Hercegovine,
7. da nisu u sukobu interesa u smislu Zakona o sukobu interesa u institucijama vlasti Bosne i Hercegovine i Zakona o sukobu interesa u organima vlasti Federacije Bosne i Hercegovine,
8. da nisu direktori zdravstvene ustanove, odnosno Zavoda,
9. da nemaju privatni-finansijski interes u Zavodu u čiji se upravni odbor kandiduju i
10. da nisu član upravnog odbora u više od jedne zdravstvene ustanove, odnosno Zavoda.



Pored navedenih opštih uslova, Kandidati koji se kandiduju za navedene pozicije dužni su ispunjavati sljedeće **posebne uslove**:

1. da imaju VII ili VI stepen stručne spreme društvenog ili zdravstvenog smjera,
2. da imaju najmanje 3 (tri) godine radnog iskustva u poslovima svog stručnog zvanja, odnosno poslovima zdravstvenog osiguranja,
3. da imaju stručno znanje iz djelatnosti Zavoda zdravstvenog osiguranja te da su upućeni u sadržaj i način rada Zavoda.

**Prijavljivanje se vrši putem prijavnog obrasca** koji se može preuzeti sa internet stranice Vlade Bosansko-podrinjskog kantona Goražde: [www.bpkg.gov.ba](http://www.bpkg.gov.ba) kao i Obrazac izjave.

Uz prijavni obrazac, kandidati trebaju priložiti:

1. Biografiju,
2. Izvod iz matične knjige rođenih (original ili ovjerena fotokopija ne starija od šest mjeseci),
3. Uvjerenje o državljanstvu (original ili ovjerena fotokopija ne starija od šest mjeseci),
4. Dokaz o završenoj školskoj spremi,
5. Potvrdu/uvjerenje o radnom iskustvu u struci,
6. Uvjerenje da se protiv lica ne vodi krivični postupak, ne starije od tri mjeseca (Općinski sud),
7. Svojeručno potpisanu i ovjerenu izjavu od strane nadležne gradske/općinske službe kojom kandidat potvrđuje sljedeće:
  - da nije otpušten iz državne službe kao rezultat disciplinske mjere na bilo kom nivou u Bosni i Hercegovini (bilo na nivou države ili entiteta) u period od tri (3) godine prije dana objavljivanja upražnjene pozicije,
  - da se na njega ne odnosi član IX.1. Ustava Bosne i Hercegovine – da nije pod optužnicom Međunarodnog tribunala za bivšu Jugoslaviju,
  - da nije na funkciji u političkoj stranci, u smislu člana 5. Zakona o ministarskim, vladinim i drugim imenovanjima Federacije Bosne i Hercegovine,
  - da nije u sukobu interesa u smislu Zakona o sukobu interesa u institucijama vlasti Bosne i Hercegovine i Zakona o sukobu interesa u organima vlasti Federacije Bosne,
  - da nije direktor zdravstvene ustanove, odnosno Zavoda,
  - da nema privatni-finansijski interes u Zavodu u čiji se upravni odbor kandiduje,
  - da nije član upravnog odbora u više od jedne zdravstvene ustanove, odnosno Zavoda,
  - da ima stručno znanje iz djelatnosti Zavoda za zdravstveno osiguranje te da je upućen u sadržaj i način njenog rada.

Javni oglas biće objavljen u dnevnom listu „Dnevni avaz“, u Službenim novinama FBiH, na službenoj web.stranici Vlade BPK-a Goražde: [www.bpkg.gov.ba](http://www.bpkg.gov.ba) i Oglasnoj ploči BPK-a Goražde. Oglas ostaje otvoren 14 /četrnaest/ dana od dana posljednjeg javnog objavljivanja. Prijave sa traženom dokumentacijom se dostavljaju lično ili poštom preporučeno, na adresu:

**Ministarstvo za socijalnu politiku, zdravstvo, raseljena lica i izbjeglice BPK Goražde, ul. 1. Slavne Višegradske brigade 2a. Goražde, sa naznakom:**

**„Prijava na Javni oglas za izbor i imenovanje predsjednika i članova Upravnog odbora Zavoda zdravstvenog osiguranja Bosansko-podrinjskog kantona Goražde-NE OTVARAJ“.**

Dokumentacija dostavljena na Javni oglas se ne vraća. Nepotpune i neblagovremene prijave neće se uzimati u razmatranje. Sve dodatne informacije možete dobiti na službenoj web.stranici Vlade BPK-a Goražde: [www.bpkg.gov.ba](http://www.bpkg.gov.ba), Oglasnoj ploči BPK-a Goražde ili direktno na kontakt telefon : 038/243-086.

**Ministarstvo za socijalnu politiku, zdravstvo,  
raseljena lica i izbjeglice BPK Goražde**

